

Bosna i Hercegovina
FEDERACIJA BOSNE I HERCEGOVINE
KANTON SARAJEVO
KANTONALNI SUD U SARAJEVU
Broj: 009-0-Su-24-000411
Sarajevo, 21.05.2024. godine

Na osnovu člana 37. stav (2) Zakona o sudovima u Federaciji Bosne i Hercegovine (“Službene novine Federacije BiH”, br. 38/05, 22/06, 63/10, 72/10, 7/13 i 52/14), i člana 8. stav (1) tačka j) Pravilnika o unutrašnjem sudskom poslovanju („Službeni glasnik BiH“ br. 66/12, 40/14, 54/17, 60/17, 30/18) uz saglasnost Federalnog ministarstva pravde broj:09-45-1934/24 od 22.05.2024.godine, predsjednik Kantonalnog suda u Sarajevu, donosi

**PRAVILNIK O IZMJENAMA I DOPUNAMA PRAVILNIKA O
UNUTRAŠNJOJ ORGANIZACIJI KANTONALNOG SUDA U SARAJEVU**

Član 1.

U Pravilniku o unutrašnjoj organizaciji Kantonalnog suda u Sarajevu, broj: 009-0-Su-20-000385 od 08.06.2020. godine, Pravilniku o izmjenama i dopunama pravilnika o unutrašnjoj organizaciji Kantonalnog suda u Sarajevu, broj: 009-0-Su-20-000656 od 02.09.2020. godine, Pravilniku o izmjenama i dopunama pravilnika o unutrašnjoj organizaciji Kantonalnog suda u Sarajevu, broj: 009-0-Su-23-000401 od 15.05.2023. godine i Pravilniku o izmjenama i dopunama pravilnika o unutrašnjoj organizaciji Kantonalnog suda u Sarajevu, broj: 009-0-Su-23-000537 od 01.08.2023. godine u članu 10. u stavu (1) riječi “188 izvršilaca” zamjenjuje se riječima “ 192 izvršioca” i riječi “91 namještenik” zamjenjuju se riječima “ 95 namještenika”.

Član 2.

Iza člana 30. dodaje se novi član koji glasi:

Član 30a. (Higijeničar)

- (1) **Radno mjesto:** Higijeničar.
- (2) **Opis poslova:** Održava čistoću radnih prostorija, ulaza u zgradu, hodnika, stepeništa i sanitarnih prostora i uređaja koje koristi ovaj sud. Održava čistoću namještaja, vrata i prozora i ostale opreme u sudu. Redovno i blagovremeno od višeg referenta za ekonomat osigurava potrebne količine potrošnog materijala za održavanje čistoće. Uz optimiziranje potrošnje, brine se o opskrbljenosti radnih i sanitarnih prostora higijenskim potrepštinama. Redovno i blagovremeno vrši iznos smeće iz prostorija suda, blagovremeno izvještava neposrednog nadređenog o primjećenim oštećenjima te o kvarovima i neispravnim instalacijama u zgradi suda kao i kvarovima na sredstvima kojima rukuje. Obavlja i druge poslove po naredbi šefa odsjeka, pomoćnika predsjednika suda, sekretara suda i predsjednika suda.
- (3) **Uslovi za vršenje poslova:** Završena osnovna škola.
- (4) **Vrsta djelatnosti:** Poslovi pomoćne djelatnosti.
- (5) **Naziv grupe poslova:** Pomoćni poslovi.
- (6) **Složenost poslova:** Jednostavni.
- (7) **Status izvršoca:** Namještenik.
- (8) **Pozicija radnog mjesta:** NK radnik.
- (9) **Broj izvršilaca:** 4 (četiri).

Član 3.

Ove izmjene i dopune Pravilnika stupaju na snagu danom dobijanja saglasnosti Federalnog ministra pravde.

PREDSJEDNIK SUDA
Vladimir Špoljarić

